

KAELO GO SECHABA

ISSUED BY:
National Treasury: Tel (012) 315 5757
SARS: Tel 0800 007 277
www.treasury.gov.za | www.sars.gov.za



TEKANYETSOKABO KE ENG?

Ka kgwedi ya Tlhakole ngwaga mongwe le mongwe Letona la Matlotlo le rebola tekanyetsokabo ya sechaba mo a begang lenaneo la puso la go dirisa madi, matlole le kadimo mo dingwangeng tse tharo tse di latelang. Tekanyetsokabo e tthalosa mokgwa o madi a puso e a boneng a tlileng go arogangwa ka teng mo mafapheng a bosechaba, diporofinsi le dipusoselegae.



DINA KO TSA DIKGWETLHO, DITSHWETSO TSA BOIKARABELO

Tekanyetsokabo ke seipone sa matlotlo sa go bontsha gore puso e arabela jang dikgwetlho tsa sechaba. Tekanyetsokabo ya ngwaga wa 2015 ke yone e e gatisang maikano a puso go tokafatsa matshelo a batlhoki, lefa ditirelo tsa puso di le ka fa tlase ga kgatelesego e kgolo.

Go simologa ka ngwaga wa 2009, Aferika Borwa, jaaka dinaga tse dingwe e ne ya itemogela dikgwetlho tse di bokete tsa kgolo e kwa tlase ya ikonomi le go oketsega ga dikadimo tsa madi ke puso. Naga ya rona e tlhoka kgolo ya ikonomi e mabapi le diperesente di le 5 ka ngwaga go kgona go fokotsa botlhokatiro le botlhoki. Gole jaana, phitlhelelo eo esantse e le bokete go ka fitlhelelwa, nngwe ya mabaka ele ikonomi e e bokowa ya lefatshe lotlhe. Mono gae, dikgwetlho tse ditshwanang le tlhokego ya motlakase, tlhokego ya

bokgoni mo badiring le ditshupetso tsa badiri di fokoditse kgolo. Mo ngwageng wa 2015, ikonomi e solofetswe go gola ka diperesente di le 2, le go tswelela ele bokowa, le go fitlhelela diperesente di le 3 ka ngwaga wa 2017. Ka lebaka la kgolo e bonya, di dirisiwa le ditirelo di tllile go nna tse di lekaganyeditsweng mme ditshwetso tse di maleba di tllile go tshwanelwa go dirwa fa di arogangwa. Tekanyetsokabo ya 2015 ke setshwano sa ditshwetso tseo.

Tiriso ya madi ke puso, e beetswe kwa thoko madi a puso e e duelang go dikoloto, etla oketsega go tswa go ditirilione di le R1.12 mo ngwageng tsa 2014/15 go ya go ditirilione di le R1.41 mo ngwageng tsa 2017/18. Puso etla tswelela go tshwara fela jalo mo kgolong e nonofileng mo dikarolong tse di botlhokwa tsa go dirisa madi mo ditirelong tsa baagi. Jaaka thuto e e kwa godimo etla tswelela go nna

yone karolo e golang ka lebelo le le kwa godimo mo go dirisweng ga madi - e gola ka lebelo le le kana ka diperesente di le 7.1 ka ngwaga – ka gonne thuto ke motheo wa puso wa go tokafatsa matshelo a batho. Karoganyo ya mokgatlho wa tsa matlole a dibasari tsa baithuti la NSFAS le tla fitlhelela di bilione di le R6.9 ka dingwaga tsa 2017/18.

Maikemisetso magolo a tshabololo ke go neelana ka dikago gongwe mafaratlhatlha a ikonomi go rotloetsa kgolo. Puso etla dirisa dimilione di le R813.1 mo dikagong mo dingwageng tse tharo tse di latelang. Dibilione di le R669 ditla dirisiwa mo diporojekeng tse dibotlhokwa tsa dipalangwa, matla le ditirelo tsa dithulagano. Dikago tsa katlaatlalo-loago di botlhokwa ka gonne di na le karolo mo go fediseng botlhoki le go tokafatsa botshelo. Puso ena le diporojeke

di le 50 tse dikgolo tsa dikago tsa pholo, mme e beets kwa thoko dibilione di le R9.3 mo dingwageng di le tharo tse di latelang.

Gonne puso e itemogela mathata go kgobokanya matlole, go dirile gore go tsewe dikgato tsa go fokotsa ditiriso tsa madi a puso tse di seng botlhokwa le go tokafatsa ditirelo tsa maemo a kwa godimo go diritswe madi a kwa tlase. Seno se tsenyeletsa go fokotsa go dirisa madi a puso mo dilong tse di seng botlhokwa gore kgontsha go beela madi ao dikarolo tse dibotlhokwa. Tekanyetsokabo ya 2015 e rotloetsa tiriso ya madi ka boikarabelo, bosupi bo bo kgonang go bonwa ke baagi le boikarabelo go ditlhokego tsa baagi, le go baya naga mo tseleng e e siameng e e kgontshang go gola le go godisa diphitlhelelo tsa ngwaga tse 21 tse di fitileng.



1. Molaetsa wa letona
2. Tlhokomelo ya ditoropo
3. Ditirelo tsa baagi
4. Katlaatlalo-loago



1. Thuto le boitekanelo
2. Tekanyetsokabo
3. Koo madi a tswang teng
4. A tla dirisiwa jang



1. Diphetogo tsa lekgetho
2. Ditekanyetso tsa lekgetho
3. Lekgetho la go reka matlo
4. Lekgetho la leokwane



FIND US ON FACEBOOK

RSA BUDGET

THUTO LE BOITEKANELO DI TSWELELA GONNA TSE DI KWA GODIMO

Go itekanela ga sechaba go bonagala segolo ka kgonego ya diphithlelelo tsa ditirelo tse ditlhwatlhwa go baagi, bogolo thata ditirelo tsa thuto le boitekanelo. Le fa puso e fitlhetse go le gontsi mo dingwageng tse masome-a-mabedi a a fetileng, tiro ya puso e santse e le e ntsi go tokafatsa matshelo a maAferika Borwa ka thuto le boitekanelo. Mo dingwageng tse 3 tse di latelang



R7 BILLION

e tllile go dirisetswa tlhabololo e e diegileng ya dikago tsa dikolo di le 510, kabo ya metsi kwa dikolong di le 1 120 le ditirelo tsa dintlwana-boithusetso di le 741 gape le motlakase kwa dikolong di le 916.



R19.5 BILLION

e tllile go tlamela le go siamisa ditirelo tsa pholo le diporojekekgo di le 7, ka fa tlase ga tlhokomelo ya mafapha a diporofinsi le bosechaba.



R3.1 BILLION

e tla abelwa setlamo sa dibasari sa Funza Lushaka go bona borutabana ba bašwa ba ba nang le maitemogelo. Puso e eletsa go bona barutabana ba le 10 200 ba thapiwa ka ngwaga wa 2017/18.





DITEREKE TSE 11

Lefapha la Boitekanelo (DoH) le setse le na le dingwaga di le 4, mo porojekeng ya dingwaga di le 15 tsa go rebolola inshorence ya boitekanelo ba sechaba (NHI), ebile gape e setse e dirisiwa kwa dimmasepaleng di le 11.

KOO MADI A TSWANG TENG?

TSA LEKGETHO	2015/16	%
LEKGETHO LA BADIRI	393.9	36.4
LEKGETHO LA LETSENO LA DIKGWEBO	202.0	18.7
VAT	283.8	26.2
LEKGETHO MO DITHOTONG TSE DI TSENANG MO NAGENG	76.1	7.0
LEKGETHO MO MAFURENG	55.7	5.1
MAKGETHO A MANG	69.8	6.5
GOTLHETHE	1081.3	100.0



TEKANYETSOKABO E KGOBOKANGWA JANG?

Ngwaga mongwe le mongwe puso e rebolola kaelo ya tekanyetsokabo (Budget Review), e e bontshang gore puso e ka kgona go kgobokanya letseno le lekae le gore madi ao a tla dirisiwa jang.

Ntlha ya pele ke gore puso e kgonne go kgobokanya letseno le le kae, gape le go bona gore e adima bokae. Go kgontsa se, maemo a ikonomi a tshwanetse go tlhokomelwa ka keletlhoko. Fa ikonomi e gola puso e kgona go kgobokantsha letseno le le ntsi. Gole gontsi puso e dirisa madi a a fetang matlotlo a a kgobokantsweng. Seo se pateletsa puso go adima madi gotswa go ba beetsi go ka kgona go duelela ditirelo.

Pele ga puso e ka duelela ditirelo tse di botlhokwa tsa sechaba e tshwanela ke go duelela morokotso wa dikoloto tseo puso e nang le tsone. Se se bolelwa fa e le tuelo e e maleba ka gonne puso e tshwanetse go duela sekoloto sa yone. Dituelo tse dingwe di akaretsa ditheolelo tsa leokwane tsa pusoselegae, le ditheolelo tsa ikatiso ya batho. Puso e tshwanetse gape ya beela kwa thoko madi a go itlamela ka motsi wa dintwa le ka motsi wa dikotsi tsa tlhago tseo di neng di sa lebelelwa. Seo seabidiwa madi a tshoganyetso. Mme seo se kaya gore puso e ka simolola go aroganya matlotlo kwa mafapheng a bosechaba, diporofinsi le dipusoselegae fela fa e fetsa go duelela dikoloto tsa

puso, gape le ga e setse e beetse kwa thoko madi a go itlamela. Karoganyo eo ya madi e bediwa karoganyo ya matlotlo.

Le fa lefapha la matlotlo le phatlalatsa tekanyetsokabo; mogwa wa go kgobokanya matlotlo, go adima le go dirisa matlotlo ke tshoetso ya dikarolo tse tharo tsa puso le ba dipolotiki. Ditshoetso tse di gatisitswe sentle mo lekwalong la kaelo ya tekanyetsokabo – eo e kwadilweng ke dikarolo tse tharo tse di

farologaneng tsa lefapha la matlotlo. Morago ga seo tona ya matlotlo o atlatlha tekanyetsokabo le maloko a Palamente, mme mogaro ga dipuisano le tumellano le maloko a Palamente, Palamente e amogela tekanyetsokabo.

